



Tuhaqtitjut

Nunavutip 2010-mi Ulapqipkaikyuaqtut Pitquhirmingnik Ulapqiyut naunaiktitniaqtaat Nunakput Nunakyuamut

IQALUIT, Nunavut (Niqiliqivik 7, 2009) Ippakhaani, Robert Long, Ministaup Tuglia Piangaiyarniarnirmun Ingilrayuliyitkullu, hivuliqtuyut havakviani tahapkununga Ukiuqtumi Ulapqipkaikyuaqtuni (Vancouver 2010 Winter Olympic and Paralympic Games), aliagivlugit naunaiktitait tahapkuat 16-nguyut ulapqinahuat Nunavunmut Ulapqiyuni.

“Ukuat ulapqiyut tatja piyut tautuktittitluk atauhiqmut pitjutikhamut uuminga Nunavutip aallangayut pitquhiinik inungnut nunakyuami,” uqaqtuq Long. “Una pitjutaat tautuktittivlutik pihimayuuq tahapkununga pivlugu Kavamanga Nunavut havakatigiigutaanut upalungaiyaktunut (Vancouver Organizing Committee) tahapkununga Ulapqipkaikyuaqtunut (2010 Winter Olympic and Paralympic Games (VANOC). Uuma naunaiktait ikayuutivut pitquhiptingnit nunakyuamut.”

Ulapqiyaktuqtut pingahunit aviktuqhimayuni Nunavunmi. Ukuat qilaunmut numiktut pihinut, qiaqvaaqtut, nutaamik numiktut, tautuktittiyutlu. (Naunaitkut ilautihimayut naunaitkutaani kingnguagut.)

16-nguyut ulapqinahuat piniaqtut nappanganik ikaaqnimut tautuktaulutik takuyaqtuiyunut 20,000-nguyungnaqhiyunut inungnik talvani pititlugit aliahuktuni “Victory Celebration” uumani Iitjirurvia 21, 2010 uumani BC Place Vancouver-mi. Hulilukaarut tiiviikkut tautuqtauniaqtut amihunut bilianut inungnut.

Aallanik tautuktittiaaqtut Ulapqititlugit.

6-nguyut ilauyut Artcirq-kuni, tautuktittiyit Igloolingmit, Ulapqiyuniinniaqtut.

“Quviahuktugut ilaugapta uumani huliitjutauyamut,” uqaqtuq Guillaume Saladin, Angiyuqqaanguyuuq aullaktittihimavlugulu una Artcirq. “Uumani pitjutigiyakkut tautuktittugu pitquhiptingnik. Ilauyumayugut tautuktittitluta ulapqikatigilugitlu aallat Nunavunmiutat nunakyuamut tautuktittitluta hunanik Nunavut pittaqaqtanginnik!”

Hivuliy tautuktittinahuanik uuktukniaqtut Niqiliqivik 7^{mit} 12^{mut} Iqalungni.

###

Tuhagakhanut apikhiluhi, uqaqvigilugu:

Matt Bowler
Angayukhiq Atugakhanik Ilittuqhaiyi
Piangaiyarniarnirmun Ingilrayuliyitkullu
867-975-7808
mbowler@gov.nu.ca

ᐱᑦᑕᑦᑕᑦᑕᑦ ᑕᑦᑕᑦᑕᑦᑕᑦᑕᑦ ᐱᑦᑕᑦᑕᑦᑕᑦᑕᑦ ᐱᑦᑕᑦᑕᑦᑕᑦᑕᑦᑕᑦ ᐱᑦᑕᑦᑕᑦᑕᑦᑕᑦᑕᑦᑕᑦ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.